



Provìntzia de Tàtari



PIANU UNITÀRIU LOCALE DE SOS
SERVÌTZIOS A SA PESSONE



Distretu Sanitàriu de Otieri

AVISU PÙBLICU
PRO FÀGHERE SA LISTA DE SU DISTRETU DE SOS
AMMINISTRADORES DE SUSTEGNU SEGUNDU SA
LEGE REGIONALE L.R. N. 24/2018 ART. 5
SA RESPONSÀBILE DE SU
SERVÌTZIU2.2
SERVÌTZIOS A SA
PESSONE
COORDINADORA DE S'UFÌTZIU DE PIANU

BIDA sa Lege de su 9 de su mese de ghennàrgiu de su 2014 n.6 chi at mudadu su Còdighe Tzivile pro su chi pertocat sos “Mèdios pro amparare pessones chena autonomia peruna o in parte”, ponende in s’ordinamentu una pessone comente Amministradore de Sustegnu, istitutu de giurisdizione voluntària chi at sa punna de “amparare pessones chi, pro infirmitade o menomatzione fisica o psìchica, si agatant a non resessire, finas in parte o pro pagu tempus, a dare contu a issos etotu e chi no ant autonomia pro fàghere su chi divent o pro manigiare sa vida fitiana issoro”;

BIDU su D.M. de su 12 de su mese de martzu de su 2004 de su Ministru de sa Giustìtzia, cun custu si disponet s’istitutzione in sos Ufìtzios Giuditzìarios de su “Registru de sas amministrazziones de sustegnu” prevìdidu dae s'art. 47 de sas dispositziones pro pònnere in òpera su còdighe tzivile e sas dispositziones transitòrias, comente l’ant fatu a càmbiu cun s'art. 14 de sa L. de su 9 de ghennàrgiu de su 2004. n. 6”

BIDA sa Lege Regionale n. 24/2018, chi pertocat sos “Interventos pro sa promotzione e s’avaloramentu de s’amministradore de sustegnu pro s’amparu de sas pessones dèbiles”, chi a s’art.5 narat chi “SOS PLUS, pro mèdiu sas Comunes, collint e contivìgiant sa lista de sas pessones chi si decrarant a disponimentu pro leare s’incàrrigu de amministradore de sustegnu, averguende si ant totu sos piessignos chi bi cherent segundu sa lege mentovada in antis;



PIANU UNITÀRIU LOCALE DE SOS SERVÌTZIOS A SA PESSONE

Provìntzia de Tàtari

Distretu Sanitàriu de Otieri

BIDA sa D.G.R. n 23/30 de su 22 de su mese de làmpadas de su 2021 cun custa:

- Sun istadas fatas mudas e annantas a sas Lìneas Guida, pro su prus in sa fache in ue sos PLUS sunt inditados comente sugetos deputados pro fàghere sos interventos segundu sa L.R. n 4/2018 in logu de sas Provìntzias;
- Sunt istadas aprovadas sas modalidades organizativas e sos tretos de sas protzeduras pro pònnere in òpera s'istitutu de s'Amministradore de Sustegnu;
- Nche l'ant mandadu a sa Direzione Regionale de sas Políticas Sotziales pro s'adotzione de sos provvedimenti pro nche colare e dare sas risorsas, chi non fiant istadas impitadas dae sas provìntzias, a sas Comunes cabu-fila de su Plus sighende sas modalidades noas prevìdidas dae sas Lìneas Guida;

BIDA sa D.G.R n. 38/32 de su 21 de su mese de cabudanni de su 2021 chi cabet sos inditos operativos pro sos Entes Cabu-fila chi manìgiant sos Cuntostos Plus pro sa gestione de sas risorsas, chi in antis sunt istadas assignadas a sas Provìntzias, pro su primu tempus chin ponent in òpera sos Interventos de promozione e avaloramentu segundu sa Lege Regionale 24/2018;

SI FAGHET ISCHIRE CHI

Sa Comune de Otieri, comente Comune Cabu-fila de su PLUS-Distretu Sòtziu Sanitàriu de Otieri cheret fàghere sa lista de su Distretu de sos Amministratoros de Sustegnu.

S'amministratzione de sustegnu (A.d.S.) est s'istitutu nàschidu cun sa Lege n. 6 de su 2004 pro amparare pessones chi ant paga autonomia in sa vida fitiana issoro ca ant problemas físicos, psìchicos e sotziales, finas si in parte o pro unu tantu de tempus, custos sunt: betzos, disàbiles, malàidos a s'ùrtimu atzessu, pessones chi ant àpidu ictus, pessones chi giogant de arriscu, pessones tentas in galera ecc.; est numenadu dae su Giùighe Tutelare e lu sèberant mengius a intro de sa famiglia de s'assistidu etotu, segundu sos piessignos de idoneidade prevìdidos dae sa lege. Si non si podet fàghere custu sèberu, pro resones de oportunitade e de incumpatibilidade, s'amministradore est seberadu a foras de sa famiglia.



Provìntzia de Tàtari



**PIANU UNITÀRIU LOCALE DE SOS
SERVÌTZIOS A SA PESSONE**



Distretu Sanitàriu de Otieri

ART. 1 OGGETU

Su PLUS de su Distretu Sanitàriu de Otieri cun custu Avisu cheret andare a dae in antis fatende sa Lista de su Distretu de sos Amministradores de Sustegnu (prus a dae in antis est faeddadu solu “Lista”), una lista de pessones chi siant a disponimentu pro leare s’incàrrigu de amministradore de sustegnu pro sos beneficiàrios chena unu agiudu comente si tocat dae sa famiglia, in antis si cumpudat chi bi siant sos piessignos de idoneidade detzisos dae sa normativa de s’Ufitziu de Pianu. Sa lista at a èssere pùblica e s’at a pòdere agatare in su situ Istituzionale de sas Comunes chi leant parte de su Plus de Otieri

Sa lista at a èssere aggiornada ogni ses meses. S’Ufitziu de Pianu ogni annu s’at a leare s’impiciu de formare totus sos chi si cherent iscrìere a sa lista e de pònnere a die sos iscritos.

ART. 2 FINALIDADES

Custu avisu at comente punna printzipale cussu de agiuare su traballu de su Giùighe Tutelare, incurtziende su tempus chi bi cheret pro inditare e numenare unu amministradore de sustegnu e finas pro crèschere su nùmeru de sos tzitadinos chi si ponent a disponimentu pro fàghere su ADS, finas pro garantire su mèngius servìtziu a sas pessones chi in totu o in parte non ant autonomia, amparende sas pessones prus debiles, asseguende chi sas pessones iscritas a custa lista apant piessignos e cumpetèntzias cumproadas pro chi fatant bene su servìtziu de amparu de sas pessones diligas.

ART. 3 CRITÈRIOS DE ATZESSU

Sos rechisidos (piessignos) generales pro s’iscrìere a sa lista sunt:

- Àere s’edade maggiore;
- Àere sa tzitadinàntzia italiana (pro sos tzitadinos istràngios si pedit sa residèntzia fissa in su logu de s’Istadu italianu);
- residèntzia in una de sas Comunes de su Distretu Sòcio Sanitàriu de su PLUS;
- chi non b’apat resones de incapatzidade de leare s’incàrrigu prevididas dae s’art. 350 de su còdighe tzivile;



PIANU UNITÀRIU LOCALE DE SOS SERVÌTZIOS A SA PESSONE

Provìntzia de Tàtari

Distretu Sanitàriu de Otieri

- chi non b'apat pretzedente penale e protzedimentos pendentes;

Sos rechisidos (piessignos) ispetzìficos mudant a segunda de su chi lu pedit:

Si sa pessone est chena esperièntzia in s'amministratzione de sustegnu si pedit in parte de custa:

- Esperìentzia documentada de voluntariadu in logos in ue s'at ite a fàghere cun sa dilighesa;
- Partetzipatzione a caminos formativos ispetzìficos;
- Esperìentzia de traballu o chi s'apant títulos de istùdiu in cuntestu giurìdicu, sotziale o econòmicu;

B) Pessones chi siant a bessu de documentare de aère àpidu s'incàrrigu de A.d.S., cun su decretu de nòmina de su Giùighe Tutelare o cun sa Dèlega formale de su Sìndigu o de s'Assessore comunale numenadu A.d.S. pro nessi unu beneficiàriu in sos ùrtimos tres annos dae sa data chi ant abertu su bandu de ses meses pro s'iscrizione a sa Lista.

Custos piessignos ant a dèvere èssere auto-tzertificados comente a su mollu allegadu a custu Avisu. A ogni manera est s'Ufitziu de Pianu chi iscriet in sa lista, a pustis de un'arregionada pro si connòschere e pro valutare sas cumpetènzias, sas resones e sas esperiènzias de traballu e/o de voluntariadu.

ART. 4 CÀUSAS DE ESCLUSIONE

Non si podent iscriere sos chi non ant sos piessignos sinzados in s'art. 3 de custu Avisu

At a èssere arressa s'iscrizione pro sas pessones chi ruent in sos cuntestos de incompatibilità in s'ufitziu sighende s'art.350 de su còdighe tzivile e tando sos chi:

1. non manìgiant cun libertade s'interessu issoro;
2. sunt giai istados catzados dae atividades de amparu o de amministratzione de sustegnu pro fatos graves, manìgiu inadeguadu o incapatzidade de fàghere su traballu;
3. si sunt agatados de nche lis fàghere rùere o sessare sa responsabilidade de babbu o de mama, o sunt istados catzados dae àteru amparu;



Provìntzia de Tàtari

**PIANU UNITÀRIU LOCALE DE SOS
SERVITZIOS A SA PESSONE**

Distretu Sanitàriu de Otieri

4. s'agatant in una cunditzione de iscorru cun sa pessone beneficiària de s'amparu.

ART. 5 PRESENTATZIONE DE SAS DIMANDAS

Sas pessones chi ant sos rechisidos (piessignos) segundu s'art. 3 in antis podent fàghere sa rechesta pro s'iscrìere a sa lista presentende sa dimanda dae sa prima die a su 15 de ogni mese, cumpilada impitende su mollu aprontadu, fatu comente a una autotzertificatzione, chi cumproet chi s'apant sos piessignos pedidos dae custu Avisu. A sa dimanda ant a èssere allegados:

- sa còpia de su documentu de identidade;
- su curriculum vitae a cuforma a cussu europeu;
- s'informativa sutiscrita segundu sos art. 13 e 14 de su Regulamentu Europeu 2016/679 (GDPR).

Sa prima iscadèntzia est in die de su 31/01/2023 e a pustis sa lista at a èssere aggiornada ogni ses meses cun sas dimandas acudidas intras a su 15 de su mese in antis a s'aggiornamentu de sos ses meses. Solu sos chi ant sos piessignos inditados in s'art. 3 a sa litera B) de s'Avisu divent allegare sa còpia de su Decretu de nòmina de su Giùighe Tutelare o de sa Dèlega a s'incàrrigu dae parte de su Sìndigu numenadu A.D.S.

Sas rechestas sutiscritas e cumpletas de documentatzione, ant a dèvere èssere presentadas a s'Ufitziu Protocolu de sa Comune o mandadas cun sa pec a custu indiritzu: protocollo@pec.comune.ozieri.ss.it;

ART. 6 DISÀMINA DE SAS DIMANDAS

S'istrutòria de sas dimandas presentadas at a èssere fata dae s'Ufitziu de Pianu de su Plus de Otieri.

S'Ufitziu, a pustis de àere computadu sos documentos de ogni dimanda at a fàghere un'arregionada pro connòschere totus sos chi ant fatu sa dimanda, sighende su chi narat s'art. 3.



**PIANU UNITÀRIU LOCALE DE SOS
SERVITZIOS A SA PESSONE**

Provìntzia de Tàtari

Distretu Sanitàriu de Otieri

S'Ufitziu de Pianu s'at a atzertare chi bi siant sos rechisidos de sos iscritos, si nono nche los at a cantzellare.

ART. 7 ÒBLIGOS DE SOS ISCRITOS

Sos iscritos a sa Lista divent partetzipare a sos cursos de formatzione e de aggiornamentu chi ant in bidea sos de su Plus.

ART. 8 CANTZELLATZIONE

Sa cantzellatzione dae sa lista si podet fàghere:

- si lu pedit s'interessadu;
- in mancàntzia de sos rechisidos e si suprint resones de incumpatibilidade;
- cun su provedimentu de s'Autoridade Giudiziària;
- si si nche colat a un' àtera Comune, foras de su Distretu de su PLUS de Otieri;

ART. 9 INFORMATZIONES

Pro cale si siat informatzione e/o acraramentu si podet faeddare a s'Ufitziu de Pianu de su PLUS Distretu de Otieri a custos nùmeros de telèfono 079/781278 348/581393 o imbiende nche una mail a sportellohcp@comune.ozieri.ss.it

ART. 9 MANÌGIU DE SOS DATOS

Sos datos ant a èssere manigiados, impitados e remonidos sighende sas modalidades inditadas in s'informativa chi pertocat su manìgiu de sos datos personales allegada a custu Avisu.



Provìntzia de Tàtari



**PIANU UNITÀRIU LOCALE DE SOS
SERVÌTZIOS A SA PESSONE**



Distretu Sanitàriu de Otieri

ART. 10 PUBLITZIDADE

Custu avisu at a èssere publicadu in su Cuadru Pretòriu Online e in su situ ìnternet de su Comune de Otieri e de sas Comunes chi faghent parte de su cuntestu de su PLUS. Allegados:

- Mollu de sa dimanda;
- Informativa pro su manìgiu de sos datos personales;

Sa Responsàbile de su Servìtziu 2.2
Servìtzios a sa persona
Coordinadora de s'Ufitziu de Pianu PLUS
Dut.ra Alessandra Zoroddu

Sa Responsàbile de su Protzedimentu
Dut.ra Alessandra Zoroddu



Tradutzione a cura de s'Isportellu de Limba Sarda de Otieri – Progetu “Inoghe Puru”-annualidade 2022 – Finantziadu dae sa RAS cun sa L.482/99 e cun sa L.R.22/2018